



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Manuale Sodalitatis B. Mariae Virginis. siue Exercitium Spirituale Christianae Pietatis**

**Véron, François**

**Coloniae Agrippinae, 1505 [i. e. 1605]**

4. Meditationes in 7. Festa B. virg.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

## PARS QUARTA.

*Puncta Meditationum in Septem B. Maria Virg. Festa præcipua.*

## PRAEMONITIO GENERALIS.

1. **S**equentia puncta, & considerationes expendi possunt ipsis feriis B. Virg. & aliis etiam, diebus potissimum festis, Dominicis, Sabbatinis, & quotiescunq; lubet reuocare in memoriam mysteria hæc, & excitare in se affectum, amoremq; beatissimæ Dei parentis.
2. Deinde obseruandum est, non esse necessarium hæc puncta omnia percurrere: nam si in primo, aut secundo mens afficitur & inflammatur, illi immorari expedit, cæteris punctis in aliud tempus reiectis.
3. Postremò Oratio præparatoria, & Colloquium omitti nunquam debent. Præparatoria autem oratio eadem esse semper solet, vt nimirum à Deo petamus illuminari intellectum, affectumque inflammari magis magisque in Deum, & B. eius parentem, & in ea quæ salutis nostræ sunt. Colloquium autem mutari, & accommodari ad ea, circa quæ mente, & affectu versari sumus, debet. Quauis hoc generatim & semper seruari debeat, vt aliquam virtutē, aut  
D aliud



aliud quiduis consequi, quod ad animę nostrę bonum pertineat, postulemus.

## DE CONCEPTIONE

*B. Virginis*

### CONSIDERATIONES.

1. Considerabis quomodo B. Virgo ab æterno electa à Deo & prædestinata sit, ut filij sui mater esset, innumeris donis & priuilegijs supra creaturas omnes admirabilis, ne qua illi perfectio, dignitas & gloria deesset.
2. Considerabis à sanctissimis parentibus Ioachimo & Anna conceptam, mira ipsorum voluptate, & Angelorum omnium in cælo, patrum in limbo, hominum in terra singulari lætitia; quod eo ipso momento intelligerent datū principium restaurationis cælestis Hierusalem, & nobilissimo omnium operi redemptionis humanæ.
3. Considerabis Conceptionem B. Virginis fuisse purissimam, nullius labis affine, è qua immaculat<sup>9</sup> agnus ederetur, omnes à peccati macula mundaturus.

Colloquium; quo petes per merita & intercessionem B. matris sue à Deo cognoscisci, virtutibus illustrari, quibus esse possis voluptati Angelis & hominibus; puritatē item animæ & corporis integerrimam.

Postre-



Postremò ages gratias sanctissimæ Trinitati de tam salutari B. Virg. Conceptione, cuius particeps esse optabis, concipiendo quotidie noua desideria, Deo, & parenti eius indies exactius famulandi.

Pater noster, Ave Maria.

## DE NATIVITATE

*eiusdem.*

1. **C**onsiderabis nascētem virginem habere progenitores Reges, Duces, Principes, quibus tamen sanctitate morum, quæ vera est nobilitas, magis eluxit. Vnde quo nobilior secundum carnem, eò demissiore fuit spiritu, quæ vera altitudo est, quam altissimus Deus solam respexit & amauit in ea.
2. Considerabis dulcissimum ipsius nomen esse, Maria, quod stellam maris, Dominam, & illuminatricem significat. In tēpestatibus stella, contra aduersarias potestates Domina, in diuinis rebus magistra est. Vt stella, viam cæli nobis aperit; vt domina nos regit & defendit; vt illuminatrix vel magistra, nos docet & instruit. Quid eò ergo nomine dulcius, quid fortius, quid sapientius? Tam mysticum ergo nomen ama, & animo inscribe tuo.
3. Considerabis quanta sit nascentis Virg.

D 2

per-



perfectio, quanta excellentia, quam cum filiabus Hierusalem admirare: clamant enim præ admiratione, Cant. 4. *Quæ est ista quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata?* Aurora est, quia inter noctem & diem media, hoc est, inter homines, & Deum mediatrix. Candore suo, ut Luna, & sui similitudine ad solem, omnes anteverit. Inter omnes, in Solis iustitiæ matrem electa: dæmonibus omnibus, quorum conterit capita, omnino est terribilis.

In colloquio pete veram animi nobilitatem; sanctitatem inquam, & humilitatem, affectum amoremque, & præsidium nominis eius sanctissimi & potentissimi: candidam animam & lucentem, qua dignus sis inter electos Dei numerari. Age postremò sanctissimæ Trinitati gratias de hac virginis natiuitate, utq; nasci spiritualiter, crescereq; quotidie in virtute possis, per Mariæ patrocinium roga.

Pater noster, Ave Maria.

## DE PRÆSENTATIONE eiusdem.

1. **C**onsidera quanta solitudine puellula triennis à parentibus Hierosolymam



mam deducatur; qua reuerentia ab eis in templo Deo præsente ur; quanta promptitudine & pietate, ipsa tenerrima virgo se se Deo dedicet, & offerat; quanta voluptate sacerdotes nobile istud monile in templū accipiant, & ad illi comparatum conclauē deducant. Ardent omnium animi, parentum, Mariæ, Sacerdotum.

2. Considera sanctissimæ Trinitatis in tam illustris doni receptione eximiam benignitatem. Pater recipit eam in filiam, Filius in Sponsam, Spiritus sanctus in mysticam sedem suam. Angeli eam accipiunt in amicam singularem, cum qua familiariter agant & colloquantur.

3. Considera puellulam parentes suos in ætate tenerrima relinquere, ad ignotos adire, templum pro domo eligere, flores ætatis primos Deo consecrare, vitam angelicam degere; partim lectione, partim oratione, partim externa actione sanctissime dies transigere; exempla virtutis suæ eximia omnibus dare, Humilitatis cum primis, Simpliciter, Obedientiæ, Temperantiæ, abstinentiæ, silentij, alacritatis ad omnia celerrimæ, ita ut cæteris coætaneis suis admiratiōi sit, grata omnib⁹, nulli grauis.

Pete in Colloquio gratiā, qua te Deo, ex animo, sine procrastinatione vlla dones; pete recipi à Deo & sancta Trinitate in



feruum saltem, si filij nomine indignus sis Pete per Mariæ merita, & suffragia virtutes tibi necessarias, vt Deo placeas, humilitatem maximè, obedientiam, castitatem, feruidam caritatem, &c.

Pater noster, Ave Maria.

### DE ANNUNCIATIONE.

1. Considera SS. Patrum, Patriarcharum, Prophetarum, Regum, iustorumque omnium vota, desideria, suspiria, Messiam aduenire cupientium: Angelorum item in cælo humanam calamitatem miserantium voces: Mariæ cum primis humiles, ardentisque preces idem exposcentes: quibus omnibus votis, suspirijs, vocibus, desiderijs tuas preces vota; coniunge, vt in te Messias adueniat, & concipiat ur.
2. Considera sanctissimam Trinitatē imensa sua primū caritate, cælestium deinde spirituum, Patrumque, ac iustorum, & Mariæ cum primis ardentibus suspirijs, votis, desiderijs, precibus commotam cæleste cōgere concilium: ibi iustitiæ, misericordiæque audientiam dare, illius rationes, huius preces admittere; filium tandem rem totam definire, offerre sese pro redemptione hominum. Satisfacturum se docet iustitiæ, patiendo; misericordiæ, liberando. Filij caritatem tantam commendat &

am.



amplectitur Pater; Spiritus sanctus ad eius conceptionem operam suam spondet. Osculantur se Iustitia & Misericordia; Pax & Veritas; exiliunt Angeli gaudio; Sapientia, caritatemq; verbi Dei admirabilem predicant, suspiciunt, osculantur.

3. Considera illicò post Diuinitatis illud decretum, publicari in cælo Mariæ nomē, per eam mysterium hoc complendum patet fieri; aduocari archangelum Gabrielem, ad summam legationem in Nazareth mitti, acceptisque à S. Trinitate mysticis legationis suæ litteris in Nazareth, ad Virginem aduolare. Considera, & vide virginē in se recollectam, inexplicabili dulcedine perfruentem, Angelum admittere: colloquia vtriusque expende. Admirare virginis pudorem, sapientiam, in loquendo prudentiam, fidem eximiam, promptissimam Obedientiam sese totam Dei nutui & beneplacito relinquentem; ad cuius Obedientiæ factam declarationem, operatione Spiritus sancti, concipitur in virgineo utero Dei filius.

In colloquio (quod ex his poterit sequi) age inter cætera sanctissimæ Trinitati immensas gratias pro incarnatione filij sui, peteq; per matris eius merita, ipsum in te concipi, spiritu sancto obumbrari, ad id consequendum virtutes necessarias, puritatem



tem potissimum, & Obedientiam, ac verā demissionem.

### DE VISITATIONE.

1. Considera Virginem quietis, & contemplationis amantissimam, nec ætatis teneritudine, nec itineris longitudine, nec asperitate montium, nec vlla re alia retardari, quominus ad caritatis, & humilitatis officia Elizabethæ præstanda, domo sua abeat. Iam gratia plena erat, iam Dei mater effecta, iam super mulieres omnes benedicta; quò itaque se altiore videt, eò se demittere magis ardet.

2. Cogita quo caritatis affectu, postposito suo commodo & solatio, ad montes cōscendat, qua festinatione properet, nusquā hærens, nusquam vagabunda. Ingreditur tandem in domum Zachariæ, prior salutat, obsequium defert, illi de conceptu Ioāne in senectute & sterilitate gratulatur. Sed & quā admirabilis, & fructuosa ea & visitatio, & salutatio fuerit, expende. Elizabeth repletur Spiritu sancto, exclamat præ admiratione, agnoscit in virgineo vtero conceptum Deum, ipsamq; Dei matrem effectam. Ioannes accelerato in se diuinitus rationis iudicio, in materno vtero exilit, Christum, matremq; eius salutat, sanctificatur, Deo repletur.

Con-



3. Considera Mariam & tam admirandis rebus in sui præsentia effectis, & tantis laudibus, & encomijs ab cognata sua illi pronuntiatis, nihil insolescere, nihil sibi tribuere, seipsam magis abijcere, in Deū referre omnia, apertoq; celesti cordis sui thesauro, ardētibus in pectore amoris flammis, sublatis oculis, & manibus in cælum profundissima humilitate, & deuotione feruētissima erumpere in actionis gratiarū voces, & admirabile illud canticum depromere. *Manificat anima mea Dominum; &c.*

In Colloquio pete visitari à B. Virgine, & eius visitationis fructibus, gratijsque gaudere. Pete à Deo per matris suæ merita, & suffragia profundam humilitatem, qua libenter alijs seruias; seruidā caritatem, qua salutē aliorū promoueas; exultationemq; spiritus tui, qua alacriter omnia officia tua obeas, Deumq; rebus in omnibus magnifices & exaltes. Pater noster, Ave Maria.

## DE PURIFICATIONE.

1. Considera, quo studio legi diuinæ parendi, conferat se virgo mater Hierosolymam; qua reuerētia pretiosum illum cordis sui thesaurū, Iesum Filium ad templū deportet, virgineo pectore adstringat; qua humilitate, immūdarum mulierum instar sui purificationem instituat; sacerdotibus



se exhibeat, ijs honorē deferat, pauperum-  
que oblationē, par turturum, aut duos pul-  
los columbarum offerat.

2. Considera quo pietatis affectu cum Io-  
sepho sponso filium suum Iesum, velut a-  
gnum immaculatum Deo offerat. Ex par-  
te illum sua, nostraque omnium, vt matu-  
tinum sacrificium, pacificamque hostiam  
offert in redemptionem generis humani,  
vna cum filio seipsam quoque offerens, &  
iterum Deo præsens.

3. Considera quanta spirituali lætitia, de-  
uotione, reuerētia Simeon puerum Iesum  
in vlnas accipiat; quanta voluptate, gau-  
dioq; Anna vidua sanctissima & matrem  
& filium commendat, omnibusq; annun-  
ciet, Anna prophetiæ spiritu donatur, Sy-  
meon eodē repletur, iam paratum se mori  
viso Domino protestatur. Maria admira-  
tur, & exultat spiritu, Ioseph Deo gratias a-  
git, omnes rerum nouitas attonitos habet.

In decursu ipsius meditationis expen-  
de, quàm suaue & dulce sit portare Iesum  
in corde, multoque magis eum in Eucha-  
ristia suscipere, & complecti; quamq; lon-  
gè suauius erit, in templo illo cælesti acci-  
pere, videre, eo semper perfrui.

Pete ergo purgari indies magis, vt  
Deo dignè offerri possis. Immo & te per  
Mariæ manus illi offer. Roga diuinam gra-  
tiam

tiam



tiam, vt Iesum perpetuò in te comportes, bonis cogitationibus & desiderijs; In vlnis etiam tuis, hoc est, in omnibus operibus, & actionibus tuis, circumferas. Conuerte te postremò ad Iesum, vt portari se à te sinat, & ostendat tibi aliquando faciem suã, cùm in eius pace mortalem hanc deposueris corporis tui sarcinam.

Pater noster, Ave Maria.

## DE ASSUMPTIONE

*B. Maria.*

1. **C**onsidera quàm preciosa fuerit in cōspectu Domini Marię mors; quoties illam ipsa exoptauerit, quasi ianuã ad sublimiorẽ vitam; quomodo illi mors somnus fuerit iucundissimus; quomodo non tam ægritudine vlla corporis, quàm affectus, desiderijque perfruendi filio vehementia, præscentibus Apostolis, non sine filij amati præscentia, anima pretiosa, castissimo corpore soluta, in ipsius filij manus emerferit.

3. Considera quanta Angelorum omnium exultatione, quantis canticis præstantissima Virginis anima in cælum ad Sanctiss. Trinitatis thronum vsq; adierit; quã certatim sancti omnes gratulati sint, illiq; egerint gratias, quòd Filiũ Dei, Saluatorem suũ



in vtero concepisset, mundo porrexisset, omniaque ei obsequia detulisset. Eam & tu cum Angelis in cælum prosequere, & pares cum sanctis omnibus gratias age. Sed & considerationem tuam refer ad Apostolos, examina eorum tristitiam de tantę parentis & magistrę absentia, permixtam tamen non mediocri lætitia, quod eam scirent patronam se apud Deum habituros. Cogita quantis lachrymis, & canticis corpus illud sacratissimum loculo imposuerint, in humeros suos extulerint, ad sepulchrum detulerint: Illiste adiuge, paratumque te offer pro tanta virgine, parente tua, obsequia præstare omnia, & pro illius tumulo, cor tuum porrige, in eo vt cum filio suo requiescere velit.

3. Considera corpus nobilissimum non fuisse conuersum in cinerem & putredinem, sed paucis ab obitu diebus animā sanctissimā, diuino imperio, ad illud rediisse, illi sese coniunxisse, & in cælū transtulisse. Considera ergo quo cælestis curiæ triumpho, quibus canticis assumpta sit Maria in cælum deducente filio, cui innixa erat, cū innumeris angelorū agminibus, Deo suo conclamantibus: *Surge Domine in requiem tuam, tu & arca sanctificationis tue*; Alijs ascēdetis virginis pulchritudinē admirātibz: *Quæ est ista, quæ ascendit de deserto delitijs affluens?*



*fluens?* Tādem excipitur à Sanctissima Trinitate beneuolentia incredibili, & in parato sibi folio, coronata, & totius coelestis curiæ domina, Reginaque declarata, ad filij dexteram collocatur, coram ea Sanctis omnibus coronas suas deponentibus, & in Dominam, principemq; suam accipientibus.

In colloquio eam admirare, in dominam tuam accipe, & pete quæ suggeret spiritus tanta rerum magnitudine inflammatus.

Pater noster. Aue Maria.

## PARS QUINTA.

CONSIDERATIO, AC MEDITATIO *perelegans de B. Virg. deipara, diebus Dominicis, vel Sabbathinis, vel aliàs sæpius, ab eius cultoribus vsurpanda.*

**F** Acto signo Crucis, Orationeq; præparatoria (de qua sub initium partis antecedentis aliquid diximus) imaginaberis B. Virg. Mariam adstare tibi, Solis instar, cui inclinando te, exhibebis ex intimo corde reuerentiam, procedesque ad se-